

Surat khabar: Utusan Malaysia (Sabah & Sarawak)

Hari/Tarikh: 13/5/2013

Muka surat: 27

Tajuk : Pelajar Unimas Anjur Walk For Love.

Pelajar Unimas anjur *Walk For Love*

KOTA SAMARAHAN 12 Mei - Bagi menghargai warga tua, pelajar tahun tiga Program Kajian Komunikasi, Fakulti Sains Sosial, Universiti Malaysia Sarawak (Unimas) akan mengadakan aktiviti *Walk For Love* di sekitar kampusnya pada 18 Mei ini.

Program amal itu merupakan sebahagian daripada kempen *Show Me Love* yang bertujuan memupuk rasa kasih sayang golongan muda terhadap warga tua supaya golongan itu tidak berasa disisihkan.

Penasihat program itu, Khadijah

Mohamad Tuah berkata, aktiviti tersebut merupakan inisiatif pelajar bagi mengumpul dana untuk disumbangkan kepada Jabatan Kebajikan Masyarakat (JKM).

“Aktiviti serta kempen sebegini amat jarang dijalankan di sekitar Kuching.

“Antara aktiviti yang turut diadakan bagi menjayakan kempen ini adalah persembahan *busking*, jualan tiket penyertaan *Walk For Love* serta jualan lencana dan baju T yang bermula sejak 10 April lalu di dalam dan luar kampus Unimas,” katanya

di sini.

Sementara itu, Pengarah Projek *Show Me Love*, Izamuddin Jusoh berkata, hasil jualan tersebut akan disumbangkan kepada JKJ untuk diagih kepada rumah-rumah perlindungan warga tua.

“Diharapkan kutipan dana ini mampu membantu golongan yang memerlukan,” katanya.

Organisasi yang berminat menghulurkan dana atau sumbangan boleh menghubungi Izamuddin di talian 012-986 7734 dan Fatimah Firdaus di 013-570 8908.



PELAJAR Unimas mengadakan persembahan *busking* sempena kempen *Show Me Love* di kampus universiti itu di Kota Samarahan, baru-baru ini.